

Lembaran Pendedahan Produk

BizProtect

(Sila baca Lembaran Pendedahan Produk ini sebelum anda membuat keputusan untuk membeli insurans ini. Pastikan anda juga telah membaca terma dan syarat am.)

1. Apakah produk ini?

Ini adalah Polisi dengan Had Liabiliti yang digabungkan untuk memberikan perlindungan bagi hartanah anda terhadap kerugian akibat kejadian yang dilindungi di bawah Insurans Wang, Insurans Jaminan Kesetiaan dan Insurans Pecah Masuk.

2. Apakah perlindungan/manfaat yang diberikan?

Polisi ini melindungi:

Seksyen	Kelas Insurans	Huraian	Had Liabiliti (RM)	
			Pelan 1	Pelan 2
A	Wang	Kehilangan wang semasa transit atau yang disimpan dalam premis anda	50,000	100,000
B	Jaminan Kesetiaan	Kerugian kewangan langsung yang ditanggung disebabkan sebarang tindakan penipuan atau ketidakjujuran yang dilakukan oleh pekerja-pekerja		
C	Pecah Masuk	Kehilangan akibat kecurian apabila sebenarnya berlaku perbuatan memasuki atau keluar dari premis, dengan menggunakan kekerasan dan keganasan		
Premium Tahunan (termasuk Cukai Perkhidmatan dan Duti Setem) (RM)			750	1,470

Nota:

- Had Liabiliti adalah berdasarkan asas digabungkan dan agregat bagi tempoh Polisi.
- Lebih sebanyak RM250.00 untuk setiap satu kerugian adalah berkenaan untuk tuntutan Pecah Masuk sahaja.

Nota:

- Manfaat yang dibayar di bawah Polisi yang layak adalah dilindungi oleh PIDM sehingga had perlindungan. Sila rujuk kepada Brosur TIPS PIDM atau hubungi Berjaya Sampo Insurance Berhad atau PIDM (layari www.pidm.gov.my).
- Sila rujuk kepada Kontrak Polisi untuk ciri dan manfaat lengkap produk.

3. Apakah Tempoh Perlindungan dan Pilihan Pembaharuan?

Tempoh perlindungan adalah selama satu (1) tahun. Anda perlu memperbaharui Polisi insurans anda setiap tahun.

4. Berapakah premium yang perlu saya bayar?

Premium yang anda perlu bayar adalah berdasarkan pelan yang dipilih oleh anda.

5. Apakah yuran dan caj yang perlu saya bayar?

Apa yang anda perlu bayar sebagai tambahan kepada premium	Amaun
Duti Setem	RM 10.00
Cukai Perkhidmatan	6% dan/atau 8% daripada premium

#Cukai perkhidmatan baharu 8% akan dikira secara prorata berkuat kuasa 01 Mac 2024.

Item yang termasuk dalam premium	Amaun
Komisen yang dibayar kepada pengantara insurans (jika ada)	Sehingga 25% daripada premium

Sila rujuk kepada pengiraan komisen di bawah yang disediakan untuk tujuan ilustrasi sahaja.

Premium tahunan ialah RM1,000.00. Oleh itu, komisen, iaitu 25% daripada RM1,000.00, adalah RM250.00.

6. Apakah terma dan syarat utama yang harus saya ketahui?

• Kewajipan Pendedahan

Kontrak Insurans Komersial

Menurut Jadual 9 Akta Perkhidmatan Kewangan 2013, sekiranya anda memohon insurans ini untuk tujuan yang berkaitan dengan perdagangan, perniagaan atau profesion anda, adalah menjadi kewajipan anda untuk mendedahkan apa-apa perkara yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan, dan apa-apa perkara yang munasabah dan relevan. Adalah menjadi kewajipan anda juga untuk memaklumkan kepada kami apa-apa perubahan mengenai butiran-butiran atau maklumat yang diberikan kepada kami sebelum kami mengeluarkan Polisi kepada anda, atau sebelum anda memperbaharui atau mengubah apa-apa terma untuk Polisi anda. Sekiranya anda gagal untuk berbuat demikian, Polisi anda mungkin akan dibatalkan atau dianggap tidak wujud, atau tuntutan anda mungkin ditolak atau nilai tuntutan dikurangkan.

• Perubahan dalam Risiko

Anda mestilah mendedahkan sebarang perubahan kepada fakta material yang anda tahu atau sepatutnya tahu mungkin menjejaskan profil risiko dari semasa ke semasa, sekiranya anda gagal untuk berbuat demikian Polisi anda mungkin akan dibatalkan. Anda mestilah memastikan borang cadangan dilengkapi dengan tepat kerana ia membentuk asas kontrak insurans. Anda mestilah memberitahu kami secara bertulis mengenai apa-apa perubahan penting semasa tempoh Polisi supaya pindaan yang perlu diendos pada Polisi anda.

• Lebihan

Ini adalah amaun yang akan ditanggung oleh anda sekiranya berlaku tuntutan (jika berkenaan).

• Waranti Premium

Premium yang genap masa mestilah dibayar dan diterima oleh kami dalam tempoh enam puluh (60) hari dari tarikh permulaan perlindungan. Kegagalan membayar premium dalam tempoh tersebut akan menyebabkan Polisi dibatalkan secara automatik. Kami adalah berhak menerima premium pro-rata untuk tempoh perlindungan enam puluh (60) hari yang telah kami berikan.

• Pembayaran Premium

Pembayaran boleh dibuat melalui Tunai, Cek, Kad Debit, Kad Kredit atau Pembayaran Dalam Talian kepada Berjaya Sampo Insurance Berhad. Sila simpan resit untuk premium yang telah dibayar sebagai bukti pembayaran untuk rujukan masa depan.

• Pembaharuan Polisi

Bergantung kepada keadaan kerugian atau tuntutan yang dilakukan dalam tempoh terma Polisi, kami mungkin mengkaji semula terma dan syarat ke atas pembaharuan atau menolak pembaharuan polisi.

• Tuntutan

Apabila berlakunya kemalangan yang menimbulkan tuntutan, anda hendaklah memaklumkan kepada kami secara bertulis dengan serta-merta.

Nota: Senarai ini tidak lengkap. Sila rujuk kepada Kontrak Polisi untuk senarai penuh terma dan syarat.

7. Apakah pengecualian-pengecualian utama di bawah Polisi ini?

- (a) Pengecualian Risiko Tenaga Nuklear
- (b) Pengecualian Peperangan dan Keganasan

Nota: Senarai ini tidak lengkap. Sila rujuk kepada Kontrak Polisi untuk senarai penuh pengecualian.

8. Bolehkah saya membatalkan Polisi saya?

Anda boleh membatalkan Polisi anda dengan memberi notis bertulis kepada kami. Selepas pembatalan, sebarang bayaran balik premium akan dibuat dengan menolak premium berdasarkan Kadar Jangka Pendek Lazim untuk polisi yang telah berkuatkuasa, tertakluk kepada premium minimum sebanyak RM75.00 yang ditahan oleh pihak kami. Tiada bayaran balik premium akan dibenarkan sekiranya terdapat tuntutan di bawah Polisi ini.

9. Apakah yang perlu saya lakukan sekiranya terdapat perubahan dalam maklumat perhubungan/peribadi saya?

Adalah penting untuk anda memaklumkan kami tentang sebarang perubahan dalam maklumat perhubungan/peribadi anda bagi memastikan semua surat-menyurat sampai kepada anda tepat pada masanya. Anda boleh memaklumkan pejabat cawangan kami atau Pusat Khidmat Pelanggan kami.

10. Di manakah saya boleh mendapatkan maklumat lanjut?

Sekiranya anda memerlukan maklumat lanjut berkaitan insurans ini, sila hubungi pejabat cawangan atau Pusat Khidmat Pelanggan kami di 03-2170 7300 pada waktu beroperasi dari 8.30 pagi hingga 5.00 petang (Isnin-Jumaat) atau menghubungi Talian Bebas Tol yang dinyatakan pada bahagian bawah halaman ini.

11. Lain-lain jenis produk insurans serupa yang disediakan

Insurans Wang, Insurans Jaminan Kesetiaan dan/atau Insurans Pecah Masuk.

NOTA PENTING:

ANDA SEHARUSNYA MEMBACA DAN MEMAHAMI POLISI INSURANS DAN BERBINCANG DENGAN EJEN ATAU MENGHUBUNGI SYARIKAT INSURANS SECARA LANGSUNG UNTUK MAKLUMAT LANJUT.

Maklumat yang diberikan dalam lembaran pendedahan ini adalah penerangan ringkas untuk rujukan cepat dan mudah. Terma dan syarat yang lengkap yang dikenakan adalah terkandung di dalam Kontrak Polisi.

Berjaya Sampo Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Maklumat yang disediakan dalam lembaran pendedahan ini adalah sah bermula dari 26 Februari 2024.